

語與諸子同列。故不見滅。高祖克秦。悉斂得之。皆載於二尺竹簡。多有古文字。及呂氏專漢。取歸藏之。其後被誅亡。而孔子家語乃散在人間。好事者或各以意增損其言。故使同是一事。而輒異辭。孝景皇帝末年。募求天下遺書。于時京師士大夫皆送官。得呂氏之所傳孔子家語。而與諸國事。及七十二子辭。妄相錯雜。不可得知。以付掌書。與曲禮衆篇亂簡。合而藏之祕府。元封之時。吾仕京師。竊懼先人之典辭。將遂泯滅。於是因諸公卿士大夫。私以人事。募求其副。悉得之。乃以事類相次。撰集爲四十四篇。又有曾子問禮一篇。自別屬曾子問。故不復錄。其諸弟子書。所稱引孔子之言者。本不存乎家語。亦以其已自有所傳也。是以皆不取也。將來君子。不可不鑒。

孔安國者。字子國。孔子十二世孫也。孔子生伯魚。魚生子思。名

吾ハ孔安國ナリ。

何本孔安國者ヨリ故述作之士莫不樂測大倫焉ニ至ル一段無し。

伯嘗遭困于宋。作中庸之書四十七篇。以述聖祖之業。授弟子孟軻之徒數百人。年六十二而卒。子思生子上。名白。年四十七而卒。自叔梁紇始出妻。及伯魚亦出妻。至子思又出妻。故稱孔氏三世出妻。子上生子家。名傲。後名求。年四十五而卒。子家生子直。名榘。年四十六而卒。子直生子高。名穿。亦著儒家語十二篇。名曰讞言。年五十七而卒。子高生武。字子順。名微。後名斌。爲魏文王相。年五十七而卒。子武生子魚。名鮒。及子襄名騰。及子文名禱。子魚後名甲。子襄以好經書博學。畏秦法峻急。乃壁藏其家語。孝經尙書及論語於夫子之舊堂壁中。子魚爲陳王涉博士。太師。卒。陳下。生元路。一字元生。名育。後名隨。子文生最。字子產。子產後從高祖。以左司馬將軍佐韓信。破楚於垓下。以功封蓼侯。年五十三而卒。諡曰夷侯。長子滅嗣。官至太常。次子襄

字子士。後名讓。爲孝惠皇帝博士。遷長沙王太傅。年五十七而卒。生季中。名員。年五十七而卒。生武。及子國。子國少學詩於申公。受尚書於伏生。長則博覽經傳。問無常師。年四十。爲諫議大夫。遷待中博士。天漢後。魯恭王壞夫子故宅。得壁中詩書。悉以歸子國。子國乃考論古今文字。撰衆師之義。爲古文論語訓十篇。孝經傳二篇。尚書傳五十八篇。皆所得壁中。科斗本也。又集錄孔子家語。爲四十四篇。既成。會值巫蠱事。寢不施行。子國由博士爲臨淮太守。在官六年。以病免。年六十。卒于家。其後孝成皇帝詔光祿大夫劉向。按定衆書。都記錄。名古今文書論語別錄。子國孫衍。爲博士。上書辯之。曰。臣聞明王不掩人之功。大聖不遺人之善。所以能其明聖也。陛下發明詔。諮羣儒。集天下書籍。無言不悉。命通才大夫。按定其義。使遐載之文。有以著於

何本臣祖云云ノ上ニ漢博士孔衍言六字ヲ加フ。

何本世人ノ人字無シ。

戴聖ハ今ノ禮記ノ編者ナリ。

何本爲テ謂ニ、原ヲ源ニ作ル。

今日立言之士。垂於不朽。此則蹈明王之軌。遵大聖之風者也。雖唐帝之煥然。周王之彳彳。未若斯之極也。故述作之士。莫不樂測大倫焉。臣祖故臨淮太守安國。逮仕於孝武皇帝之世。以經學爲名。以儒雅爲官。讚明道義。見稱前朝。時魯恭王壞孔子故宅。得古文科斗尚書孝經論語。世人莫有能言者。安國爲改今文。讀而訓傳其義。又撰次孔子家語。既畢。訖會值巫蠱事起。遂各廢不行于時。然其典雅正實。與世所傳者。不可同日而論也。光祿大夫向。以其爲時所未施之故。尚書則不記於別錄。論語則不使名家也。臣竊惜之。且百家章句。無不畢記。況孔子家語。古文正實。而疑之哉。又戴聖皆近世小儒。以曲禮不足。而乃取孔子家語。雜亂者。及子思孟軻荀卿之書。以裨益之。總名曰禮記。今向見其已在禮記者。則便除家語之本篇。是爲滅其原。

而存其末也。不亦難乎。臣之愚以為宜如此。為例。皆記錄別見。故敢冒昧以聞。奏上。天子許之。未即論定。而遇帝崩。向又病亡。遂不果立。

後序終

新刊孔子家語注跋

吾夫子遺言。自六經論語孝經外。惟家語為近。家語雜於漢儒之手。故先儒以為未純。夫先秦兩漢。去古未遠。其傳流要有所自。殆亦未可棄也。燕泉先生嘗註家語。又探秦漢間稱述吾夫子之言。為家語外集。其取於聖人者博矣。注援引百氏。討論異同。固致慎擇意也。舊王肅注已失傳。先生之注。其殆不可少哉。所謂外集者。亦盍遂併出之。是本先生自滇寄至。因託建寧郡伯張侯公瑞梓行書坊。而題其後。

正德辛巳良月望日。

後學莆陽黃鞏謹識。

此ハ何注ノ跋ナリ。

新刊孔子家語注跋終

汲古閣板孔子家語跋

嗟乎。是書之亡久矣。一亡于勝國王氏。其病在割裂。一亡於包山陸氏。其病在倒顛。先輩每慶是書未遭秦焰。至于今日。何異與焦炬同煙銷耶。予每展讀。即長跼宣尼像前。誓願遵止。及見榔陽何燕泉敘中云。不覺泣涕如雨。夫燕泉生於正德間。又極稽古。尚未獲一見。余又何望哉。余又何望哉。撫卷浩歎。愈久愈痛。忽丁卯秋。吳興賈人持一編至。迺北宋板王肅注本子。大書深刻。與今本迥異。惜二卷十六葉已前。皆已蠹蝕。因復向先聖焚香叩首。願窺全豹。幸己卯春。從錫山酒家。復覩一函。冠冕歸然。亦宋刻王氏注也。所逸者僅末二卷。余不覺合掌頓足。急倩能書者。一補其首。一補其尾。二册儼然雙璧矣。縱未必夫子

此下ニ舊ト何序有リ、
已ニ卷首ニ載セタルヲ
以テ之ヲ削ル。

舊堂壁中故物。已不失王肅本注矣。三百年割裂顛倒之紛紛。一旦而垂紳正笏於夫子廟堂之上矣。是書幸矣。余幸矣。亟公之同好。凡架上王氏陸氏本。俱可覆諸醬瓿矣。即何氏所注亦是暗中摸索。疵病甚多。未必賢于王陸二家也。但其一序亦可參考。因綴旒于跋之下。虞山毛晉識。

大正四年九月十三日印
大正四年九月十六日發行

刷行

(漢文大系二十卷與付)
定價金貳圓五拾錢



校訂者

服部宇之吉

編輯者

東京市神田區裏神保町九番地
合資會社 富山房

行者代

同所合資會社 富山房社長
坂本嘉治馬

印刷者

東京市本所區馬場町四番地
平井登

印刷所

同所
凸版印刷株式會社本所分工場

發行所

(明治二十九年六月設立)

東京神田

合資會社

富

山

房

本局長一〇三六番
本局四四八三番

316
138

終